

24. 10. 10
DE POENITENTIAE SACRAMENTO 13

PUBLICA DISPUTATIO

Quam

ILLUSTRISS. ET REVERENDISS. D. D.

PAULO FRANCISCO JUSTINIANO

EPISCOPO TARVISINO

DUCIMARCHIONI ET COMITI

SS. D. N. P.

Præfate Domestico ac Pontificio Sælio Episcopo Assistenti &c. &c.

EXHIBET COMMENDAT DEVOYET

JACOBUS PEROZZI

DE CUBULO

SEMINARII TARVISINI ALUMNUS

Præceptoræ et Adjutoræ

ANTONIO DE ANGELIS

MDCCLXXXIV.

Convertimini, & agite pœnitentiam ab omnibus iniquitatibus vestris, ~~Et non erit vobis in ruinam~~ iniquitas. Ezech. 18. 30.

Nisi Pœnitentiam habueritis, omnes peribitis. Lucę 13.

ILLUSTRISIME ET REVERENDISIME PRÆSUL

Quoties, Præsul Amplissime, florentissimam illam
 Messanæ urbem, & pulcherrimam Calabriae
 Provinciam, quas tam misere concussas, dirutas, pe-
 nitusque profligatas intelligimus, mecum ipse animore-
 puto, eaque tonitrua, quibus novissimis temporibus Cœ-
 lum tremere audivimus, & inter nubes ardentem vi-
 dimus flammam, & sevos undique turbines erumpen-
 tes, & ventos, qui aedes, & arbores concusserunt, at-
 que afflictarunt, eosque fulmineos ictus, qui homines
 bene multos, belluasque miserrime perculerunt; quoties
 famem, pestem, & bella, quæ nos miseros identidem

minis perturbant, premunt, & terrent, diligenter, accurateque considero, illud de ejusmodi infortuniis verissime affirmari posse existimo; Deum nempe, cujus majestatem penitus formidandam despicere non perhorrescimus, ob nostros in eum impudentissimos ausus maximas illas moles molestiarum, & turbulentissimas tempestates excitavisse, ut nos tandem hisce calamitatibus quibusdam veluti stimulis percussos ad veram pœnitentiam adduceret. Hinc satis admirari non possum ad illum dementiæ statum e mortalibus quosdam devenire potuisse, ut divine indignationis ferme obliti, causam ejusmodi eventuum, atque rationem investigantes, eam ex solis rerum creaturarum fluxibus quodam veluti fato excogitare minime dubitent, perinde quasi futilibus eorum fabulis Deum ipsum, qui, ut firmissime sacri codices testantur, respicit terram, & facit eam tremere; tangit montes, & fumigant; mortificat, & vivificat; mittit bellum, & creat pacem; & armat creaturam ad ultionem inimicorum; mentiri posse arbitrentur. Quocirca tantum abest, ut hisce commentis tumidi improbos eorum mores immutare decernant, seque ipsos ad veri Numinis cultum reducere, atque adeo profusis lacrymis, gemitibusque emissis iram ejus comperere, quin potius vitia vitiis, peccata peccatis, scelera sceleribus accumulantes, & alios a pœnitentia jam incepta irrisionibus, atque ludibriis retrabentes Deum magis, atque magis movent, provocant, impellunt,

lunt, ut majori vi, majori etiam furore instructa veluti acie districtis gladiis in nos ipsos inflammatus irrumpat. Quid tum miseri? Enimvero nisi pœnitentiæ, quam Deus exigit a nobis, & illico lubenter toto corde, totisque viribus insistamus, & in posterum ad Deum conversi rectam semitam prosequi studeamus, quem securitatis locum adinvenire poterimus? Ciamentibus undique Scripturis: Ignis succensus est in furore meo, & super vos ardebit. (1) De pœnitentia itaque disputaturus recreatur animus, quod dum ipsa impios cum Deo supremo rerum omnium Conditor, ac Gubernatore conjungit, a terra paulatim abripit, & ad cœlestium rerum contemplationem quoddammodo perducit, efficitque, ut omnis Dei ira deflagret, turbines fileant, tempestates quiescant, miseriæ omnes dissolvantur, & abeant, eorumque pœnitentium animi debilitati, ac jacentes excitentur, reficiantur, confirmentur. Aptissime igitur maximis temporibus hujusmodi occurrit disceptatio. Dolet mihi id unum, quod cum paucos aîmodum menses Pœnitentiæ Sacramento operam enixe dederim, tam subito & ex inopinato in hanc arenam tanto litteratorum Virorum conventu stipatus sim iussus prodire; eo vel maxime quod validissimus Adversariorum impetus urgeat, & anceps reddat disputationis periculum, quod subire debet Pœnitentia. Sed alea jacta est: nec prius hodiernæ disceptationis exitus patebit, quam meas, in quas jam video tela pa-

(1) Jer. 15. 14.

rari,

rari, vires experiar. Arduum sane, aleæque plenum opus nunc pertractandum aggredior, Ornatissime Antistes; verum, fretus ego humanitate illa tua, singularique clementia, qua soles omnes complecti, atque reficere, animum sumo, viresque ad ejusmodi certamina sentio augescere; quod nisi contigerit me posse de certaminis felicitate gloriari, de auspiciis certe tuis, quibus me tueris, illustras, & ornas, perpetuam delectationem percipiam.

X VII X

DE POENITENTIA UT VIRTUTE,

I

Pœnitentiam, quam nobis frequentissime commendant utriusque Scripturæ paginæ, in solo proposito deinceps vitandi peccata, atque adeo in nova vita dumtaxat consistere, nonnulli arbitrati sunt. At immerito, ut ostendere parati sumus.

II

Nolumus autem hinc aliquem deducere nos propositum novæ vitæ ablegare; quin immo ad veram pœnitentiam necessarium esse, invictissimis sustinemus argumentis.

III

Hanc pœnitentiam, quam ab Hæreticorum fraudibus, astutiis, sophismatibus, cavillationibus, & argutiis expeditivimus, esse vere, & proprie dictam Virtutem, cum divo Thoma, aliisque Theologis constantissime asserimus, defendimus, propugnamus.

DE POENITENTIA UT SACRAMENTO.

IV

His positis, ad Ecclesiæ potestatem remittendi peccata post Baptismum commissa gradum facimus,

cimus; quam potestatem tametsi ex Dogmatica tamquam certam, exploratamque supponere possemus, eam nihilominus, ut recta methodo procedamus, validissimis rationibus, atque momentis tum ex Scripturis, tum ex Patribus depromptis evincemus.

V

Ab sit autem ut quis putet, hanc Ecclesiæ potestatem, quam Dominus Jesus Christus contulit Apostolis, eorumque successoribus esse limitandam; quandoquidem nullum scelus, quantumvis grave, enorme, nefandum, ac detestabile reperiri posse defendimus, quod per pœnitentiam expiari, & ab Ecclesia remitti nequeat.

VI

Signum porro sensibile, quo per juridicam Sacerdotis absolutionem fidelibus post baptismum relapsis peccata remittuntur, pœnitentiæ Sacramentum appellamus. Hoc verum, propriumque Sacramentum esse cum Catholica Ecclesia & credimus, & sustinemus.

VII

Quoniam vero non desunt inter hæreticos, qui potissimum opinati sunt, pœnitentiæ Sacramentum cum Baptismo confundendum, hinc speciatim ostendemus, alterum ab altero quam longissime dissidere.

IX

VIII

Sacramentum hoc, quod secundam post naufragium tabulam appellat Hieronymus, a Christo institutum *præcipue* fuisse, cum ipse e mortuis excitatus verba illa pronunciavit. *Accipite Spiritum Sanctum; quorum remiseritis peccata, remittuntur eis, & quorum retinueritis, retenta sunt;* pergravia nobis ostendunt argumenta.

IX

Si quis vero a nobis flagitet, quid tandem de hujus necessitate Sacramenti sentiamus, tantam esse asserimus, ut sustinere non dubitemus, neminem mortifero aliquo peccato post lavacrum baptismale obstrictum, si decedat sine pœnitentiæ Sacramento aut in re, aut in voto, vitam æternam esse consecuturum.

X

Sacramentum istud pœnitentiæ conferri per contritionem, confessionem, satisfactionem, & judicariam Sacerdotis absolutionem, nemo potest in dubium revocare.

DE CONTRITIONE.

XI

De Contritione quæstionem aggredientes veram esse oportere contendimus. Unde si quis af-

firmare

firmare audeat, contritionem mere existimatam, seu reputatam sufficere; hoc aperta negamus fronte, ejusque opinionem refellimus, & confutamus.

XII

Et quamvis contritionem sensibilem, eam nimirum, quæ in lacrymas, gemitusque prorumpit; summopere commendemus, nihilo tamen secius, veram esse negamus, nisi ex intimo corde emanet, profluat, animumque excruciet.

XIII

Neque solum contritionem veram, & non apparentem exigimus, verum etiam supernaturalem postulamus. Quocirca dolorem illum, qui ob dedecus, infamiam, aut pœnas humanis legibus statutas, aut mortem, morborumque vehementiam, aut alia id genus concipitur, satis esse ad pœnitentiæ Sacramentum nequaquam concedimus.

XIV

Nullum pariter, atque irritum Sacramentum hoc pronunciamus, quoties pœnitens dum ad Tribunal pœnitentiæ accedit, non sit ita affectus, ac de omnibus ita doleat, ut velit potius mala quævis subire, quam alia peccata saltem mortalia perpetrare. Jam plane intelligitis, nos contritionem *appretiative* summam, simulque *universalem* requirere.

Utrum in Pœnitentiæ Sacramento requiratur contritio, siue attritio, ut vocant (nihil enim de nomine moramur) quæ videlicet ætalem dilectionem Dei super omnia saltem initialem conjunctam habeat, ut contendunt Augustiniani, alique viri scientia, doctrina, & eruditione clarissimi; an sufficiat attritio servilis, quæ in solo gehennæ timore sita est, nec ulterius ad amorem procedit, ut alii malunt, non determinamus. Verum enim vero hac in re si licet mentem nostram totam, quanta est, aperire, tamen si Alexander VII. sub pœna excommunicationis latæ sententiæ Romanæ Sedi reservatæ præceperit, ut si deinceps fideles de materia attritionis scribent, vel docebunt, vel prædicabunt, vel scholares, ceterosque erudient, non audeant alicujus Theologicæ censuræ, alteriusve iniuriæ, aut contumeliæ nota taxare alterutram sententiam, siue negantem necessitatem aliqualem dilectionis Dei in præfata attritione ex metu gehennæ concepta, quæ hodie inter Scholasticos communior esse videtur, siue asserentem dictæ dilectionis necessitatem; donec a Sancta Sede fuerit aliquid hac in re definitum; illam tamen sententiam certiore in praxi, ac securiorem esse fidentissime contendimus, quæ initialem aliquem amorem suadet, atque defendit.

XVI

Confessionem Sacramentalem, quæ Sacerdoti fieri debet, fuisse divino jure præscriptam, hæretici quidam impudentissime negarunt. Nos vero divinis litteris, sanctisque Patribus inhærentes adversum illos propugnamus, extare re ipsa divinum Confessionis præceptum; eorumque simul opinionem explodimus, illudimus, deridemus.

XVII

Confessionem hanc, de qua loquimur, esse medium ad salutem necessarium aut in re si facultas adsit, aut in voto si facultas desit, necessarium, inquam, necessitate illa, quam *medii* vocant Theologi, iis nimirum, qui post baptismum lethali culpa coinquinati sunt, nemo catholicorum est, qui possit ambigere.

XVIII.

Neque satis cuiquam videri debet, quædam solummodo peccata in Confessione aperire, ut effutiant nonnulli, qui nihil aliud ad justificationem præter fidem requirunt, sed omnia prorsus lethalia, quæ in mentem veniunt, esse enumeranda affirmamus.

XIX

Cuilibet vero nobiscum disputanti, ac contendenti de peccatis dubiis reponimus, illa quoque

dummodo

X XIII. X

dummodo prudenter, & rationabiliter talia appareant, esse in Confessione necessario manifestanda.

XX

Quemadmodum autem ad integritatem Confessionis requiritur manifestatio omnium mortalium, ita circumstantias etiam mutantem speciem, & ex nova specie novam peccato moralem, ac mortalem malitiam adiicientes, dicimus esse omnino explicandas, ut integra Confessio habeatur.

XXI

Sed jam quæstio valde difficilis urget, an teneamur circumstantias intra eandem speciem plurimum aggravantes explicare. Suadent nonnulli, & quidem magni nominis Theologi, hujusmodi circumstantias explicari non oportere. At nos cum bona eorum gratia contra sentimus, propugnantes nimirum cum viris etiam gravissimis, omnes circumstantias, quæ in eadem specie mortaliter aggravant, esse in Confessione exponendas. Plura liquidem rationum momenta, ut hanc sententiam amplectamur, in causa sunt.

XXII

Illos tamen jure merito ab integritate Confessionis mathematica excusamus, qui, debito præmisso examine, mortiferi alicujus peccati ob memoriæ imbecillitatem obliviscantur, quive ex morbo, vel alia causa linguæ usum amiserint, vel ex

imminenti

imminenti mortis periculo v. g. incendio, naufragio, apoplexia, hostili incurfione &c. integre confiteri non possint. Ad impossibile enim nemo tenetur.

DE SATISFACTIONE.

XXIII

De Satisfactione disputaturi illud primum, quod multis argumentis convellere nituntur hæretici, firmissimum statuimus fundamentum, plerumque scilicet remisso peccato, pœnas temporales, quæ peccato debentur, remanere luendas.

XXIV

Hinc pœnas peccatis debitas, quas satisfactionem appellamus, merito exigimus a pœnitentibus; neque solum ad aliorum exemplum, aut Ecclesiæ ædificationem exigimus, quemadmodum veteres exegisse garriunt Novatores, verum etiam ut & castigationem peccatorum, vindictamque sumamus, & Deo compensemus ob offensas, quas contra ipsum commisimus.

XXV

Hiscæ præmissis, quisnam erit tam excors, tamque amens, qui existimet, imo vero etiam doceat, Confessarios neque posse, neque debere iis, quorum confessionem acceperint, pœnas satisfactio-

rias injungere? Enimvero si quis est, in luce meridiana cæcutiat, necesse est.

DE JURIDICA SACERDOTIS ABSOLUTIONE.

XXVI

Certum præterea, ac indubitatum nobis est, absolutionem Sacramentalem præter Episcopos, ac Præbiteros impendere posse neminem. Quapropter eorum revincemus errorem, qui putant, potestatem ligandi, atque solvendi omnibus, & singulis fidelibus fuisse collatam.

XXVII

Scimus equidem plures exstitisse, qui olim animam exhalaturi, cum Sacerdotis copiam non haberent, confessionem laicis fecerunt; ad quod sane hortati sunt Viri gravissimi; sed illud quoque sci-
mus hujusmodi Confessionem neque Sacramentalem, neque necessariam fuisse ad salutem.

XXVIII

Caveas tandem, ne sola ordinis potestate donatus quempiam absolvas, (excepto mortis periculo) nisi prius potestatem jurisdictionis, & approbationem per Ordinarios factam, fueris consecutus. Nam præterquamquod nulla penitus, atque irrita foret absolutio illa tua, a culpa etiam & quidem gravi non esses immunis.

*De his disputabitur in Seminario Episcopali IV. I-
dus Augusti, facta cuilibet post Tertium contra
dicendi facultate.*

*De his disputabitur in Seminario Episcopali IV. I-
dus Augusti, facta cuilibet post Tertium contra
dicendi facultate.*